



**Jus Canonicvm R.P. Pavli Laymanni, Soc: Jesu Theologi, Et  
Olim In Alma Et Episcopali Academia Dilingana SS.  
Canonum Ordinarii Professoris**

Juris Canonici A. R.P. Paulo Laymanno Societatis Jesu Theologo SS.  
Canonum In Alma, Catholica, Et Episcopali Universitate Dilingana  
Professore Qvondam Ordinario, Prælectionibus Academicis Illustrati

**Laymann, Paul**

**Dilingæ, 1673**

Capitvlm XLVII. Ex parte.

---

[urn:nbn:de:hbz:466:1-62587](#)

siciatur, sicuti *Abbas hic monet. num. 11.*

4. Not. IV. Si electus confirmetur nullo contradicente comparente, ad eoque præmissa cognitione causæ non plena sed summa, appellatio admitti non debet, nisi allegata causa rationabili. Ita *Ioan. Andr. inc. Auaritia. de elect. in b. Franc. l. Circa. glos. verb. alias.*

5. Not. V. Si quis à legitimo Superiore confirmatus sit, aut beneficij collationem acceperit, con sequenter etiam possessionem capere potest, neque admittenda est exceptio, nisi sit de crimine juncto cum infamia. c. *Accedens. 23. de accusat.* vel si defecetus proprietatis manifestus sit, aut in continenti probari possit. v. g. electores aut confirmatores non habuisse potestatem, vel collationem impetratam fuisse per literas falsas iuxta *gloss. in c. primo. verb. contentionem. de restitutione spoliat.* & tradit hic *Alex. n. 43. Franc. col. penult. ex l. 3. §. ibidem. ff. ad exhibendum.* Vbi *Bartol.* tradit, quod in causis summiatis exceptiones altiorum indagine requirentes non admittuntur, sed ad causam principalem referuantur. Insuper aiunt DD. citati, tametsi probatio exceptionis statim offeratur, tamen audiendam non esse, si præsumptio sit contra excipientem, quod malitiosè opponat secundum *gloss. hic verb. in modum except.* nihilominus audiendus postea erit, si actionem contra possessorem instituere velit, ut ex hoc cap. appareret.

## CAPITULUM XLVII.

### Ex parte.

#### P A R A P H R A S I S.

Quotiescunque Iudex aliquem ad judicium citat, exceptio opponi potest, quod securus ad locum accessus non sit; si exceptio ista à Iudice non admittatur, citatus appellare potest, nil obstante, quod causa delegata sit, remota appellatio, preterquam si Iudex alium locum idoneum & securum designet.

#### S U M M A R I U M.

1. Index si partibus non assignet judicij locum,

tutum, appellari potest, etiam post litem contestatam.

2. Citatus autem allegare & probare debet locum non esse tutum, nisi notorium sit.
3. Limitatur predicta doctrina.

**N**otandum. Unicum. Iudex ad locum Iudicii citare debet, quo citatus, eiūs Procurator, aduocatus item & testes, leucire ac sine periculo accedere possunt. c. *Sine. 4. causa. 33. q. 2.* Et nisi locus idoneus & securus assignetur, appellari potest teste gl. *ibidem.* idque extendi debet, ut appellatio loci sit, quotiescunque citatio fit ad locum non tutum. v. g. peste infectum, rametsi prima & altera vice appellatum non sit, et enim Iudex iterum citando, denouo grauat, arg. *huius c. verb. quoties.* Et videri potest *Gail. l. 1. obseru. 52. n. 3. vbi addit:* licet exceptio loci non tūtū dilatoria sit, tamen quotiescunque tempore opponi posse, etiam post litem contestatam, quia habet grauamen successuum, teste *Felin. in c. Accedens. 4. n. 13. ut lite non contestata.* Et iterum ait *Gail. n. 7.* quod omnia bona ob contumaciam in non comparendo inflicta, ipso jure nulla sint, & executionem non mereantur, quia nemo se periculo exponere tenet. c. *de Cler. non resid. in 6.*

Veruntamen citatus allegare debet, locum non tutum esse, nisi id notorium sit, quin etiam probare debet, accessum non tutum esse propter generalem regulam sumptam ex c. *Ex parte. 7. de testibus.* quod Iudex credere non tenetur, si quid opponatur, quod eius jurisdictionem impedit, nisi proberetur.

Excipe 1. Si Iudici notum sit, locum non esse tutum, sufficit allegare & appellare. arg. c. *Si duobus. 7. b. 1.* nam qui scit, certior reddi non debet: reg. *31. in 6.*

Excipe 2. Si in tali casu, in quo nec per se notorium, nec Iudici notum est, citatus ipse metu accedere non possit, tunc Procuratorem, aut excusatorem mittere debet arg. c. *Cum dilecti. 6. junct. gl. verb. responsalem. de dolo.* si neminem absque periculo mittere possit, tunc in praesentia bonorum viorum

rum

rum protestari & appellare consultum est.  
c. vlt. h. t.

Excipe 3. Sed & saluis conductus in  
tali casu recipienduserit, si offeratur. Ve-  
rūm is securitatem non semper præstat, sic  
tigl. finalis hic monet, & habetur in c. 4. ut li-  
te contestata. Quare Gail. ait n. 6. quod fra-  
gilis sit cautio salui conductus.

## CAPITVLVM XLVIII.

### Significauit.

#### PARAPHRASIS.

Frates Hospitalis Eboracensis vacante Re-  
ctoriā elegerunt B. Presbyterum in Re-  
ctorem seu Magistrum Hospitalis, quem  
Archī-Episcopus Eboracensis, prout sibi  
competere afferbat, confitmauit & in-  
stituit, sed postea Decanus & Capitulum  
cathedralē se opponentes (quia dicebant  
institutionem ad ipsos pertinere) impe-  
trarunt à Pontifice literas ad Iudices de-  
legatos. Hi cùm partes citassent, Procu-  
rator Capituli seu Actor accessit, adfe-  
rens literas, quæ eo sigillo obsignata er-  
ant, quo Capitulum vti solebat, ad cita-  
tiones tantum, cùm tamen ad alia instru-  
menta & literas aliud sigillum habeat;  
Tum Magister Hospitalis obiecit acto-  
rem illum vigore harum literarum admit-  
tendum non esse; adiecit quoque se jam  
antè per alias literas ad alios Iudices fuisse  
tractum, & ideò per posteriores, in quib-  
us priorum nulla mentio fit, conueniri  
non posse, cùm autem Iudices has exce-  
ptiones non admitterent, ipse appellauit.  
Quare mandat Innoc. aliis à se delegatis, si  
ipsis constiterit ob causas dictas vel v-  
nam earum, appellatum fuisse, vt in irri-  
tum reuocent, quidquid factum post ap-  
pellationem.

#### SUMMARIUM.

1. Procurator ad lites procuratorium manda-  
tum exhibere debet, ita ut certò constet, non  
esse suppositium, sed datum à principali.
2. Sigillum ad certum usum adhiberi solutum,

si ad alium postea adhibeatur, non censetur  
esse authenticum.

3. Excusatur debitor, si tradat pecuniam debi-  
tam famulo, vel alteri offerenti monitorias  
de solutione, quo alias saepe usus est creditor  
ad debitare recipienda.
4. Si aliquis est debitor generis, v. g. ex mu-  
tuo, & debita pecunia transmissa pereat sine  
culpa illius, illi perit, non creditor secus est si  
debitor sit speciei v. g. ex empto, commodato.

**N**ot. I. Procurator ad lites Procurato-  
rium mandatum exhibere debet, ita ut  
certò constet, non esse suppositium, sed  
datum à principali. *argumento. Clem. 1. de  
Procuratoribus. & tradit hic Franc. not. 1. vbi  
ait: mandatum ex eo probari, si constet esse  
scripturam mittentis.*

**N**ot. II. Si sigillum ad certum usum ad-  
hiberi solutum postea ad alium adhibeatur,  
non censetur esse authenticum, seu quod  
certam fidem mereatur, quia in talibus ra-  
tionabiliter attenditur ad consuetudinem  
mittentis seu mandantis, teste *Abb. h. n. 7.*  
Ex quo colligit idem & *Franc. col. 1. Bart. in  
l. Si quis uxori. §. Apud Labionem. ff. de fur-  
tis. si quis. v. g. annulum suum tradere so-  
leat famulo, vt ipsi fides habeatur, re &c &  
securè ipsi credi posse, tale signum afferenti,  
nisi in aliquo casu præsumptio contraria es-  
se possit, vt, quia est res grauis momenti, vel  
probabiliter subtraxisse annulum creditur,  
qui eum afferit.*

**C**orollarium. Si aliquis famulum, aliū-  
ue nuntium misit, per quem sepiùs consue-  
uit debita sua recipere & sibi afferenda man-  
dare, tunc debitor excusari videtur si ei  
comparenti & literas afferenti monitorias  
de solutione, pecunias debitas. v. g. ex mu-  
tuo, censu &c. tradat. Tametsi enim nuntio  
debitum securè non reddatur, si manda-  
tum afferit tantum ad admonendum, non  
recipiendum. *l. Si mei. 12. ff. Commodati.  
excipi tamen debet, nisi Dominus solitus  
sit eo nuntio vti ad debita recipienda, teste  
Franc. h. 6. col. penult. Bart. in supra citato §.  
Apud Labionem. ff. de furfis.*

Præterea distingue ex eorundem doctrina: